

Na osnovu člana 16. stav 4. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona“, broj 7/10) i Odluke Upravnog odbora Federalnog fonda za pomoć nastradalim područjima od prirodnih nesreća na teritoriji Federacije Bosne i Hercegovine o utvrđivanju kriterija, dodjeli i usmjeravanju sredstava privrednim subjektima koji su pretrpjeli štete usljed prirodne nesreće, broj: 01-14-11/14 od 4.9.2014. godine, na prijedlog Ministarstva za privredu, Vlada Zeničko-dobojskog kantona, na 183. sjednici, održanoj dana 18.09.2014. godine, d o n o s i

ZAKLJUČAK

I.

Usvaja se Uputstvo o postupcima i kriterijima za odobravanje i dodjelu finansijskih sredstava iz Federalnog fonda namijenjenih saniranju dijela direktnih šteta od poplava kod privrednih subjekata, koji čini sastavni dio ovog Zaključka.

II.

Zadužuje se Ministarstvo za privredu za provođenje postupka iz tačke I ovog zaključka.

III.

Zaključak stupa na snagu danom donošenja.

Broj: 02-_____/14.

Datum, 18.09.2014. godine

Z e n i c a

PREMIJER

Munib Husejnagić, dipl.ing.maš.

DOSTAVLJENO:

1x Ministarstvo za privredu,

1x Ministarstvo za poljoprivredu, šumarstvo i vodoprivredu,

1x Ministarstvo finansija,

1x a/a.



**UPUTSTVO O POSTUPKU I KRITERIJIMA
ZA ODOBRAVANJE I DODJELU FINANSIJSKIH SREDSTAVA IZ
FEDERALNOG FONDA NAMIJENJENIH SANIRANJU DIJELA DIREKTNIH
ŠTETA OD POPLAVA KOD PRIVREDNIH SUBJEKATA**

Zenica, septembar 2014. godine

UVOD

Poslije katastrofalnih poplava koje su zadesile Bosnu i Hercegovinu, pa i Zeničko-dobojski kanton, u maju mjesecu 2014. godine, Ministarstvo za privredu je pravovremeno prikupilo preliminarne podatke o nastalim direktnim štetama u privrednim subjektima, te je o istom izvjestilo Vladu Kantona aktom broj: 04-14-7191/14 od 16.6.2014. godine.

Nakon formiranja Federalnog fonda za pomoć nastradalim područjima od prirodnih nesreća na teritoriji Federacije Bosne i Hercegovine (u daljem tekstu: Fond), Upravni odbor Fonda donio je Odluku o utvrđivanju kriterija, dodjeli i usmjeravanju sredstava privrednim subjektima koji su pretrpjeli štete usljed prirodne nesreće, broj: 01-14-11/14 od 4.9.2014. godine (u daljem tekstu: Odluka).

1. IZVORI SREDSTAVA

Financijska sredstva za saniranje dijela direktnih šteta kod privrednih subjekata obezbijedena su u Budžetu Fonda, utvrđena Odlukom u iznosu od 2.000.000,00 KM (dva miliona konvertibilnih maraka).

2. NAMJENA SREDSTAVA

Financijska sredstva iz tačke 1. ovog Uputstva namijenjena su za saniranje dijela šteta od poplava kod privrednih subjekata bez obzira na registrovanu djelatnost.

Prema Uredbi o jedinstvenoj metodologiji za procjenu šteta od prirodnih i drugih nesreća („Službene novine Federacije Bosne i Hercegovine“ broj: 75/04, 38/06, 52/09, 56/09) predmet procjene štete, između ostalog, su i direktne štete na oštećenim i uništenim materijalnim dobrima.

Direktna šteta je šteta koja je direktno nanesena materijalnom dobru i izražava se u novčanom iznosu potrebnom za njegovu popravku i dovođenje u prvobitno stanje ili se izražava u iznosu revalorizirane sadašnje vrijednosti uništenog dobra.

Troškovi su posredna šteta koja se javlja kao posljedica direktne štete. Troškovi obuhvataju sve izdatke za sprovođenje privremenih mjera zaštite, za spašavanje i zbrinjavanje stanovništva, životinja i akvakulture i drugih materijalnih dobara u vrijeme trajanja ili neposredno poslije nastanka prirodne i druge nesreće koja je prouzrokovala direktnu štetu.

Procjenom šteta obuhvaćaju se materijalna dobra koja pripadaju pravnim i fizičkim licima sa sjedištem na području na kojem se šteta dogodila. Štete na dobrima (domaćim i stranim) zatečenim na stradalom području takođe se procjenjuju, bez obzira na to što pripadaju fizičkim i pravnim licima čije je sjedište van područja na kojem se šteta dogodila.

Pod materijalnim dobrima podrazumjevaju se: zemljište, oprema, alati, robe, prevozna sredstva, namještaj i sva druga osnovna sredstva i oprema koja se koristi za rad pravnih i fizičkih lica, prema obračunu Komisije za procjenu štete.

3. KRITERIJI ZA ODOBRAVANJE I DODJELU SREDSTAVA

Pravo na dodjelu sredstava iz tačke 1. ovog Uputstva imaju privredni subjekti:

- registrovani prema Zakonu o obrtu na području Zeničko-dobojskog kantona,
- registrovani prema Zakonu o privrednim društvima Federacije Bosne i Hercegovine na području Zeničko-dobojskog kantona,
- koji su pretrpjeli štetu od poplava,
- sa 3 i manje od 3 zaposlena lica i
- koji dostave uredne zahtjeve.

Iznos finansijskih sredstava koja će biti dodjeljena jednom korisniku jednak je za sve uredne podnosiocje zahtjeva i iznosi 2.000,00 KM, a prema rangu koji će biti uspostavljen prema broju zaposlenih lica.

4. ZAHTJEV ZA ODOBRAVANJE SREDSTAVA

Uredan Zahtjev za odobravanje finansijskih sredstava oštećeni privredni subjekt dostavlja Ministarstvu za privredu.

Uz zahtjev, privredni subjekt dostavlja sljedeće priloge:

- Original ili ovjerenu kopiju obrazaca Š-01, Š-02, Š-07(sačinjenih i ovjerenih od strane općinskih Komisija za procjenu štete u skladu sa Uredbom o jedinstvenoj metodologiji za procjenu šteta od prirodnih i drugih nesreća),
- Ovjerenu kopiju Odobrenja-Rješenja za obavljanje djelatnosti prema Zakonu o privrednim društvima ili Zakonu o obrtu Federacije Bosne i Hercegovine,
- Original ili ovjerenu kopiju spiska uposlenika na dan 30.3.2014. godine izdat od PIO-a,
- Uvjerjenje Komercijalne banke da je žiro račun potencijalnog korisnika pomoći aktivan, ne starije od 60 dana u odnosu na dan podnošenja zahtjeva.

5. KOMISIJSKA OCJENA I NEGATIVNO RJEŠENJE

Komisiju za ocjenu ispunjenja uvjeta i kriterija za dodjelu sredstava imenuje i razrješava ministar u Ministarstvu za privredu. Za svoj rad ova Komisija odgovara ministru Ministarstva za privredu.

Komisija razmatra Zahtjeve privrednih subjekata poštujući hronologiju prijema ovih akata u protokolu prijemnih akata Ministarstva, odnosno Vlade Kantona, te cijeni ispunjenost uslova i kriterija za odobravanje sredstava.

Izvještaj o ocjeni i mišljenju za uredne aplikacije, Komisija dostavlja ministru Ministarstva za privredu nakon zatvaranja Javnog poziva.

U slučaju da Komisija ocijeni da nisu ispunjeni svi uslovi za odobravanje sredstava ona predlaže, a Ministarstvo za privredu, kod neispunjenja uvjeta i kriterija, donosi Obavještenje o odbijanju zahtjeva podnosioca.

6. POSTUPAK ODOBRAVANJA

Nakon zatvaranja Javnog poziva, a na osnovu Izvještaja o ocjeni i mišljenju Komisije, Ministarstvo za privredu predlaže Vladi Kantona donošenje Odluke o odobravanju sredstava istovremeno za sve uredne korisnike, koje dostavlja Fondu.

Direktor Fonda potpisati će ugovor sa korisnicima sredstava i predstavnicima općina na čijoj se teritoriji bude vršila dodjela pomoći privrednim subjektima iz tačke 3. ovog uputstva.

7. JAVNO OGLAŠAVANJE

Na osnovu ovog Uputstva Ministarstvo za privredu objavit će Javni poziv u listu "Naša riječ". Javni poziv bit će otvoren 15 dana od dana objavljivanja.

MINISTAR

Muhamed Husić